


表



玉海卷第八十二

浚儀王應麟伯厚甫

車服

冕服

漢永平旒冕衣裳 玉佩絢履 漢冕冠

平冕 罷衮

紀永平二年正月辛未宗祀光武於明堂帝及公卿

列侯如服冠冕衣裳玉佩絢履以行事詳見車服制度注漢

官儀曰天子公卿特進諸侯祀天地明堂皆冠平冕

三禮圖冕以四十升布漆而為之廣八寸長三寸前

下後高有俛伏之形董巴輿服志顯宗初服冕衣裳
 以祀天地衣裳以玄上纁下徐廣輿服注漢明帝案
 古禮備其服章天子郊廟衣阜上絳下前三幅後四
 幅衣畫而裳繡禮記曰古者君子必佩玉天子佩白
 玉公侯佩山玄玉大夫佩水蒼玉世子佩瑜玉周禮
 屨人掌王赤舄青絢鄭玄注云赤舄為上冕服之舄
 也絢屨鼻頭以青綵飾之絢音三禮圖曰屨複下曰
 舄其色各隨裳色東京賦整龍服正冕帶珩統絃經玉
 車服職制曰戰國以鞞非兵飾夫志聖人作冠冕
 之漢明帝復制鞞天子赤皮鞞膝

冕服

伯自華蟲以下子男自藻火以下卿大夫自粉米以
 下至周而變之以三辰為旂旗王祭上帝則大裘而
 冕公侯卿大夫用九章以下秦滅去禮學郊祀之服
 皆以初玄漢承秦故世祖都于土中始修三雍正兆
 七郊顯宗永平二年初服旒冕衣裳文章赤舄絢屨
 以祠天地養三老五更於三雍于時致治平矣天子
 三公九卿特進侍祠侯祀天地明堂皆冠旒冕衣裳
 玄上纁下乘輿備文日月星辰十二章三公諸侯山
 龍九章九卿以下華蟲七章皆備五采大佩赤舄絢
 屨以承大祭百官執事者冠長冠皆祗服五岳四瀆

四十七

山川宗廟社稷皆禘玄長冠五郊各如方色云百官不執事禘玄以從冕冠垂旒前後邃延玉藻孝明皇帝永平二年初詔有司采周官禮記尚書臯陶篇垂輿服從歐陽氏說公卿以下從大小夏侯氏說冕皆廣七寸長尺二寸前圓後方朱綠裏玄上前垂四寸後垂三寸係白玉珠為十二旒以其綬采色為組纓三公諸侯七旒青玉為珠卿大夫五旒黑玉為珠斷曰三公諸侯九旒旁垂黶纁郊天祀地明堂則冠卿七旒與此不同之衣裳玉佩備章采乘輿刺史公侯九卿以下皆織成注東觀書永平二年正月公卿議春南北郊東平

冕服

王蒼議高帝制長冠入宗廟陛下以禮服龍袞祭五帝久無祭天地冕服之制天地之禮冕冠裳衣宜如

明堂制

志自冕冠至黻冠其名十九冕冠長高

山却非進賢却敵法冠武冠建華皆非縮纓垂五寸

東平王蒼傳中興三十餘年蒼以

天下化平宜修禮樂遂與公卿共議定南北郊冠冕

車服制度及光武廟八佾舞數東都賦脩袞龍之

法服晉志漢承秦弊西京未有所制及明帝始采

周官禮記尚書及諸儒記說還備袞冕之服天子之

冕前後旒用真白玉珠魏明帝改以珊瑚珠晉初仍

舊過江服章多闕而冕飾以翡翠珊瑚雜珠侍中顧
和奏改用白琰珠 宋志漢承秦制冠有十三種魏
晉以來不盡施用 隋志陸澄議秦除六冕之制後

漢始備古章魏晉以來非祀宗廟不欲令臣下服衮
冕位為公者必加侍官故太子入朝因而不著但承
大作副禮絕群后皇太子朝請服冕自宋以下始定

此儀 宋泰始四年 唐志顯慶元年長孫無忌曰漢

明帝始采周官禮記制祀天地之服天子備十二章

禮記王制疏虞夏之制天子祭服自日月而下十

有二章六者畫於衣法天之陽氣之六律六者繡於

裳法地之陰氣之六呂凡冕之制皆玄上纁下故注

弁師云玄覆朱裏師說以木版為中以三十升玄布

衣之於上謂之延也朱為裏以繒為之案漢禮器制

度廣八寸長尺六寸又董巴輿服志云廣七寸長尺

二寸皇氏謂此為諸侯之冕應劭漢官儀廣七十長

八寸皇氏以為卿大夫之冕服也蓋冕隨代變異大

小不同今依漢禮器制度為定 春秋正義阮

制皆長尺六寸廣七寸長八寸天子以下皆同沈引董巴輿

服志云廣七寸長八寸天子以下皆同沈引董巴輿

長尺六寸廣七寸長八寸天子以下皆同沈引董巴輿

未禮殘缺是 王藻疏漢明帝時用曹褒之說皆用白

旅珠 深衣疏鄭以後漢之時裳有曲裾故以續衽
鉤邊似漢時曲裾今時朱衣朝服從後漢明帝所為
是今朝服之曲裾也

漢六冕

隋志周禮大裘之冕無旅三禮衣服圖大裘而冕王
祀昊天上帝及五帝之服秦除六冕唯留玄冕漢明
帝永平中始創制董巴志云漢六冕同制皆闊七寸
長尺二寸前圓後方 晉志漢承秦改六冕之制但
玄冠絳衣 見下

漢衮衣

冕服

南齊輿服志衮衣漢世出陳留襄邑所織宋未用繡
及織成齊建武中采書為之加飾金銀薄世亦謂為
天衣

漢五時服 群臣法服

禮儀志注織室作祭服天地宗廟群臣五時之服又

獻帝起居注中平六年令三府長史兩
梁冠五時衣袍事位從千石六百石

禮儀志立春京師百官衣青衣郡國縣道官下至
斗食令史皆服青幘立夏衣赤求雨衣阜先立秋
十八日夜黃立秋衣白施阜領緣中衣迎氣禮畢
皆衣絳立冬衣阜迎氣禮畢皆衣絳冬至衣絳至

立春諸五時變服執事者先後其時皆一日

漢雜事曰高祖時大謁者臣章受詔長樂宮令群臣

議天子所服謁者趙堯舉春李舜舉夏兒湯舉秋貢

禹舉冬五時服始於此張敞傳備阜衣二十餘年

如淳曰雖有五時服至朝皆著阜衣谷永傳擢

之阜衣之吏郊祀歌帝臨章嘉服上黃蔡邕傳

臣在宰府及備朱衣謂祭官也丙顯從祠高廟至

夕牲日使出取齋衣河東賦命群臣齊法服

晉志漢制一歲五郊天子與執事者所服各如其方

色百官不執事者服常服絳衣以從魏秘書監秦靜

冕服

曰漢氏承秦改六冕之制但玄冠絳衣而已魏已未

名為五時朝服又有四時朝服又有朝服自皇太子

已下隨官受給隋志晉令皇太子給五時朝服遠

遊冠裴正奏曰後周制冕加為十二色應五行又非

典故案三代之冠六等之冕無迎氣變色之文唯月

令起秦代乃有青旂赤玉白駱黑衣而不言弁冕案

續漢書禮儀志云立春之日京都皆著青衣秋夏悉

如其色魏晉迎氣五郊行禮之人皆同此制考尋故

事唯幘從衣色今請冠及冕色並用玄唯應著幘者

任依漢晉制曰可續漢志注獨斷曰公卿侍中尚

立春諸五時變服執事者先後其時皆一日

漢雜事曰高祖時大謁者臣章受詔長樂宮令群臣

議天子所服謁者趙堯舉春李舜舉夏兒湯舉秋貢

禹舉冬五時服始於此張敞傳備阜衣二十餘年

如淳曰雖有五時服至朝皆著阜衣谷永傳擢

之阜衣之吏郊祀歌帝臨章嘉服上黃蔡邕傳

臣在宰府及備朱衣謂祭官也丙顯從祠高廟至

夕牲日使出取齋衣河東賦命群臣齊法服

晉志漢制一歲五郊天子與執事者所服各如其方

色百官不執事者服常服絳衣以從魏秘書監秦靜

冕服

曰漢氏承秦改六冕之制但玄冠絳衣而已魏已未

名為五時朝服又有四時朝服又有朝服自皇太子

已下隨官受給隋志晉令皇太子給五時朝服遠

遊冠裴正奏曰後周制冕加為十二色應五行又非

典故案三代之冠六等之冕無迎氣變色之文唯月

令起秦代乃有青旂赤玉白駱黑衣而不言弁冕案

續漢書禮儀志云立春之日京都皆著青衣秋夏悉

如其色魏晉迎氣五郊行禮之人皆同此制考尋故

事唯幘從衣色今請冠及冕色並用玄唯應著幘者

任依漢晉制曰可續漢志注獨斷曰公卿侍中尚

五海卷八十二

六

書衣皂而朝者曰朝臣諸營校尉將大夫以下不為朝臣賀循曰漢儀親耕青衣幘漢舊儀曰凡齋紺幘耕青幘秋豸劉服紺幘 五時袍 見前

晉志魏明帝以公卿衮衣黼黻之飾疑於至尊多所減損始制天子服刺繡文公卿服織成文晉遵而無改 西京賦緹衣 韎韐注武士之服也 周禮注今

時伍伯緹衣

漢后服 步繇 圭衣

志太皇太后皇太后入廟服紺上阜下蠶青上縹下皆深衣制齒簪珥簪以瑇瑁為槩長一尺端為華勝

冕服

上為鳳皇爵以翡翠為毛羽下有白珠垂黃金鑷左右一橫簪之以安齒 皇后謂廟服紺上阜下蠶青

上縹下假結步搖簪珥步搖黃金為山題貫白珠為桂枝相繆一爵九華熊虎赤羆天鹿辟邪南山豐大

時六獸詩所謂副笄六珈者 禮追師注副之言覆

王后首其遺象若今步繇疏漢之步繇謂在首之時

行步繇動 鄧后賜馮貴人玉赤緹以未 詩箋副既

笄而加飾如今步搖上飾 內司服注今世有圭衣

蓋三翟之遺俗疏漢時有圭衣刻為圭形綴於衣由

周禮有三翟別刻繒綴於衣漢俗尚有

漢弋綈

文帝紀贊身衣弋綈服御無增益注如淳曰弋阜也
傳賈誼曰帝之身自衣皂綈 東方朔曰孝文身

衣弋綈足履革舄衣緼無文 貢禹曰孝文衣綈履

革 楊雄曰聖文綈衣不敝 杜篤云太宗衣無異

采後文 文中子衣弋綈傷乎禮中焉可也 張安

世傳安世尊為公侯身衣弋綈注弋黑色綈厚繒

光武身衣大練色無重綵 陸閔善著越布單衣光

武好之勅會稽獻越布

唐元和聖德詩并遣浮華好此綈紵

冕服

漢御浣衣

紀永平十八年肅宗即位十二月癸巳有司奏孝明

皇帝劬勞日吳身御浣衣食無兼珍不以天下為樂

馬廖傳上疏長樂宮曰元帝罷服官成帝御浣衣哀

帝罷樂府而侈費不息至於衰亂者百姓從行不從

言也改政移風必有其本陛下躬服厚繒斥去華飾

許后傳上疏舊故中宮乃私奪左右之賤繒及葭

乘輿服繒為待詔補注託言此繒擬待詔別有所補

浣 東都賦昭節儉示太素去後宮之麗飾損乘輿

之服御

文王卑服即功 禹惡衣服

漢繡袷

見錫予外夷類

漢貂裘

東平王蒼傳建初六年冬蒼上疏求朝明年正月帝許之帝以蒼冒涉寒露遣謂者賜貂裘及太官食物珍果七年八月蒼歸國復賜乘輿服御珍寶輿馬天漢三年西國獻吉光裘 唐太宗親解貂裘賜韋挺

漢賜車馬衣服 珍寶衣服 三公服

御衣綬 賜帛 賜錦

後傳李忠與任光同奉世祖為右將軍世祖自解所佩綬以帶李忠會諸將問所得財物唯忠無所掠即以所乘大驪馬及繡被衣服賜之 恭王祉建武二年封為城陽王賜乘輿御物車馬衣服 馮異建武六年春朝京師使中黃門賜珍寶衣服 郭伋建武十一年為并州牧賜車馬衣服 樊曄與光武少游舊賜御食及乘輿服物 郭賀為荊州刺史有殊政顯宗召見賜以三公之服黼黻冕旒敕行部去襜帷使百姓見其容服以章有德 丁鴻永平十年召見

賜御衣及綬 祭彤永平十二年為太僕顯宗美彤
清約賜錢馬衣被弓劍 廣陵侯元壽永平十五年
召見東平宮班賜御服器物又取皇太子輿馬悉與
之 藥崧為郎獨直臺上帝嘉之詔太官賜尚書以
下朝夕餐給帷帳皂袍侍史二人 鄭均建初六年
告歸賜以衣冠 魯丕和帝因朝會召見諸儒丕與
賈逵黃香等相難帝善丕說特賜冠幘履襪衣一襲
揚賜光和四年拜太常賜御府衣一襲冠幘綬
周禮官伯以時放衣裘注昔今賦冬夏衣 說文漢
律曰賜衣者纁表白裏

後禮志

立秋遣使者齋束帛賜武官

注漢官名秩曰

六十四匹執金吾請校尉各

立春遣使齋束帛賜文官

注漢官名秩曰建武八年徒司空帛四匹九匹

前紀武帝元狩六年十月賜丞相至吏二千石百金

千石至乘從者帛蛮夷錦各有差 昭帝元鳳二年

四月賜郎從官帛元康三年春賜郎從官帛 王褒

傳褒等為歌頌以差賜帛 明紀永平六年獲鼎賜

三公帛五十匹九卿二千石半之 後傳任延為九

真太守光武召見賜馬雜繒 劉般建武十九年賜

繒二百匹 祭彤為襄賁令政清璽書勉厲增秩一

等賜縑百匹 淳于恭建初元年詔美素行告郡賜帛二十匹遣詣公車

魏文帝解御袍賜薛夏以御衣賜張遼 晉咸寧三年賜陳騫裘冕之服 晉盧志賜衣一襲鶴紋袍一領

晉平冕

晉志平冕王公卿助祭於郊廟服之王公八旅卿七旅以組為纓色如其綬王公衣山龍以下九章卿衣華蟲以下七章

宋志魏明帝以公卿衮衣黼黻之文擬於至尊復損

畧之

隋志

平冕俗所謂平天冠也其制玄表朱綠

裏廣七寸長尺二寸加於通天冠上前垂四寸後垂三寸前圓而後方垂白玉珠十有二旅其長齊肩以組為纓各如其綬色傍垂黼纁玳珠以玉瑱梁天監七年周捨議詔旨以王者衮服宜畫鳳皇按禮有虞氏皇而祭畫鳳皇羽也皇是衣各非冕明矣

後周常冠

十二冕

後周武帝時初服常冠以阜紗全幅向後襍髮仍

裁為四脚俗謂之幞頭武帝宣政元年三月甲戌初

不施纓導若今之折角巾

唐會要折上巾軍旅所服今幞頭是

也通典曰武帝建德中制折上巾

通典後周設司

服之官掌皇帝十二冕祀昊天蒼五帝隨方色朝日青夕月素地祇黃神州社稷玄享先王加元服象食三老耕藉衮視朔大射山視朝宴鷩皆十有二旒

唐冠冕制度

會要貞觀四年八月十四日丙午詔曰冠冕制度已

備令文尋常服飾未為差等於是三品以上服紫云

云六典尚衣奉御供天子衣服詳其制度凡天子

冕服十有三大裘冕至翼善冠尚服掌供內服皇后

之服三禕鞠禮衣內直郎掌皇太子之服織染令掌

供天子皇太子群臣之冠冕辨其制度天子之冠二

通天翼善冕六大裘衮鷩毳絺玄弁二武弁皮弁幘

二黑介平巾帽一白紗太子之冠三三梁遠遊進德

冕二衮玄弁一皮弁幘平巾臣下之冠五高山遠

遊進賢解豸却非冕五衮鷩毳絺玄弁二爵武幘介

平巾平巾綠幘武庫令袍之制五青緋黃白阜皆繡畫

武豹鷹鷩之類紀玄宗開元二年七月乙未焚錦

繡珠玉于前殿戊戌禁珠玉錦繡停織錦坊德宗

大曆十四年六月己亥減乘輿服御會要貞元七

年十一月上問冠冕於宰臣董晉曰冠冕動有佩玉

之響以節步也故禹致美於絃冕

唐天子冕服

大裘冕

皇后服

衮冕六服

志天子之服十四大裘冕祀天地之服也黑表纁裏無旒金飾玉簪導衮冕踐祚饗廟征還遣將飲至加元服納后无日受朝臨軒冊拜之服也衣畫裳繡以象天地之色鷩冕有事遠主之服也毳冕祭海嶽絺冕祭社稷饗先農玄冕蜡祭朝日夕月通天冠冬至受朝祭還燕群臣養老之服緇布冠始冠之服武弁講武出征蒐狩禡類宜社賞祖罰社纂嚴之服射志

武帝弁服弁服朔日受朝白紗帽視朝聽訟平巾幘乘馬之服又有黑介幘拜陵之服白恰臨喪之服皇后之服三禕衣鞠衣鈿釵禮衣會要舊制云云顯慶

元年九月長孫無忌等言武德初撰衣服今天子祀天地服大裘冕無旒案周郊被衮以象天戴冕璪十二旒與大裘異請服衮冕能大裘開元十一年張說請用大裘玄宗以大裘燠略廢而不用無忌又言親祭日月服五品之服是貴賤無分也請諸祭皆用衮冕自是鷩冕以下天子不復用儀鳳二年蘇知機上言請製大明冕十二章乘輿服之如日月星辰龍虎山

火麟鳳玄龜雲水等象鷲冕八章三公服之毳冕六章三品服之黼冕四章五品服之詔下有司議楊炯奏議遂寢知機之請 **六典**大裘冕無旒冕廣八寸長一尺六寸 **閻立德傳**武德初遷尚衣奉御制袞冕六服腰輿傘扇咸有典法 **李德裕**正服箴聖人作服法象可觀汲黯莊色能正不冠楊阜慨然亦譏縹紉四時所御各有其官

唐太子冕服

志皇太子之服六袞冕遠游冠公服烏紗帽并服平巾幘進德冠內直郎皇太子妃之服三榆翟鞠衣細釵

冕服

禮衣 **通典**開元禮皇太子正至受群臣賀著從省服以出若服袴褶群官及宮臣皆袴褶朝集使公服受宮臣朝皇太子服遠游冠絳紗袍以出 **禮志**太子納妃服袞冕出升金輅 郡臣冕服

唐一品袞冕

志群臣之服二十有一袞冕一品之服鷲冕二品之服毳冕三品之服絺冕四品之服玄冕五品之服平冕郊廟武舞郎之服爵弁六品以下九品以上從祀之服武弁武官朝參服弁服文官九品公事之服進賢冠文武朝參三老五更之服遠游冠親王之服法

冠御史之服一名解鷹冠高山冠內侍謁者之服委
貌冠郊廟文舞郎之服却非冠亭長門僕之服平巾
幘武官衛官公事之服黑介幘國官親品府佐謁者
國子太學四門生俊士參見之服介幘登歌工人之
服平巾綠幘供膳奉解之服具服五品以上陪祭朝
饗拜表之服亦曰朝服從省服五品以上公事朔望
朝謁見東宮之服亦曰公服

唐翼善冠 進德冠 幘頭

志太宗常以幘頭起於後周便武事者也馬周議裏
頭者左右各三摺象三才重繫前脚法二儀方天下

偃兵採古制以為翼善冠自服之又制進德冠以賜
貴臣貞觀
七年初時此五月玉璫制如弁服以金飾梁花跌
三品以上加金絡五品以上附山雲自是元日冬至
朔望視朝服翼善冠衣白練裙襦常服則有綺褶與
平巾幘通用翼善冠進德冠制如幘頭皇太子乘馬
則服進德冠九璫加金飾犀簪導亦有綺褶燕服用
紫其後朔望視朝仍用弁服會要貞觀八年五月
七日太宗初服翼善冠賜貴臣進德冠因謂侍臣曰
幘頭起於周武帝蓋取便軍容耳今四海無虞當偃
武事此冠頗采古法兼類幘頭乃宜常服至開元十

七年廢不用 宋朝淳化二年十月五日詔檢討翼善冠制度及所用衣服

會要唐制親王服遠游三梁冠五品已上兩梁冠九品以上一梁冠武官凡中書門下九品已上服武弁平巾幘御史服法冠

唐賜貂裘

韋挺傳太宗討遼東專 詔河北州皆取挺節度

許以便宜帝親解貂裘及中廐馬賜之

唐赭黃袍

志初隋文帝聽朝之服以赭黃文絞袍烏紗帽折上巾

六合鞞與貴臣通服唯天子之帶有十三釵又有平頭小樣巾百官常服同於庶人至唐高祖以赭黃袍巾帶為常服

唐綾袍金玉帶

舊紀貞元七年十一月乙丑令常參官趨朝入閣不

得奔走朝會須服本色綾袍金玉帶 董晉傳德宗

時金吾將軍沈房常服入閣帝疑以問晉又問晉冠

冕之制對曰古者服冠冕以佩玉節步堂上接武堂

下布武君前趨進而已今或奔走致顛什在式朝臣

皆綾袍五品而上金玉帶所以盡飾奉上故漢尚書

郎含香老萊采服君父一也帝然其言令群臣衣本品綾袍金玉帶自晉而復
會要貞元七年十一月九日詔常參官入閣不得奔走復衣綾袍金玉帶八年十二月三日賜文武常參官綾袍
會要貞觀二十二年十月八日癸卯令百寮朔望日服袴褶以朝南齊志袴褶親戎纂嚴所服開元二十五年御史大夫李適之奏冬至大禮朝參并六品清官服朱衣已下通服袴褶天寶十二載十一月十三日制五品已上著珂傘貞元十五年四月歸崇敬以百官朔望朝服袴褶非古禮隋代始有服者請罷之奏可

唐章服

魚袋

龜袋

賜群臣襲衣見後

會要

六貞觀四年八月十九日

丙午詔三品以上服紫四品五品以上服緋六品七品以綠八品九品以青

馬周傳云品官舊制止黃龍翔二年九月二十三日戊寅孫茂道奏八品九品衣碧從之上元元年八月戊戌敕文武官三品以上服紫金玉帶四品五品服緋金帶六品七品綠銀帶八品九品青輸石帶庶人黃銅鐵帶永徵二年四月二十九日

兼舊紀給五品以上隨身魚銀袋以防召命之詐出

內必合之三品以上金飾袋咸亨三年五月乙未五

玉海卷八十二

品以上改賜新魚袋並飾以銀三品以上各賜金裝
刀子礪石一具武后垂拱二年正月二十日都督刺
史並準京官帶魚袋天授元年志云九月二十六日改
佩魚皆為龜久視元年十月三日三品以上龜袋飾
以金四品以銀五品以銅神龍元年二月罷龜袋復
給以魚九月十七日郡王嗣王亦佩金魚袋景龍三
年八月令特進佩魚散官佩魚自此始然負外試檢
校官猶不佩魚景雲二年四月二十四日詔衣紫者
魚袋飾以金衣緋飾以銀開元三年八月駙馬都尉
從五品者假紫金魚袋八年二月十二日都督刺史

冕服

品卑者假緋魚袋五品以上檢校試判官皆佩魚九
月十四日張嘉貞奏致仕者佩魚終身自是百官賞
緋紫必兼魚袋謂之章服當時服朱紫佩魚者衆矣
百官志中尚令製魚袋給百官蕃客賜寶鈿帶魚
袋則授鴻臚通典天授二年八月左羽林大將軍
建昌王攸寧借紫衫金帶九月二十六日除納言依
舊著紫帶金龜借紫自此始實錄神龍二年九月
戊辰停京官六品以下著緋袴褶各依本品開元二
年二月癸卯詔軍人多借緋魚無功者勅收取俟立
功借二十五年五月丙子詔緋紫之服除有戰功不

得輒賞 列傳鄭餘慶每朝會朱紫滿廷而少衣綠者品服太濫詔餘慶條奏懲革 高鉞轉起居郎陳得失穆宗嘉之面賜緋魚 鄭澣文宗時待講學士賜金紫服 牛叢為睦州宣宗賜金紫謝曰臣今夜刺史所假緋即賜紫為越等乃賜銀緋 宣宗重借服章有司具緋紫衣數襲從行以備賜或年歲不用其一故當時以緋紫為榮

元魏太和十年四月辛酉朔始制五等公服

唐錦袍

列傳張長讓引兵討薛舉賜錦袍金甲 竇璡從秦

曰免服

王平薛仁果賜錦袍 契苾明高宗時以戰賜錦袍寶帶 宋之問武后遊洛南龍門詔從臣賦詩左史東方蚪詩先成后賜錦袍之問俄頃獻后嗟賞奪袍以賜 魏元忠神龍二年為右僕射謁告賜錦袍銀千兩 畢建按察劍南睿宗賜璽書袍帶 張文瓘諫造宮室賜繒錦百段 張暉還鄉上冢帝賜詩及錦袍繒綵 王難得玄宗召見賜錦袍金帶 李白衣宮錦袍 韋綬為學士德宗幸其院以蜀纈袍覆而去 李石文宗曰吾聞禁中有金鳥錦袍二昔玄宗幸溫泉與楊妃衣之今富人時時有之 田紇傳

貞觀二十一年賜絳黃瑞錦文袍 干闥貞觀二十
三年賜錦袍 東女垂拱二年賜瑞錦服 天竺傳
開元中賜錦袍又賜新羅紫繡紋袍 西突厥蘇祿
開元五年來朝賜錦袍鈿帶魚袋七事 開元六年六
月敕益州歲織十五領以賜諸蕃 南詔開元末賜
錦袍 技悉蜜天寶初賜紫文袍 韋端符衛公故
物記素錦袍七其襟袂促小裁製絕巧密光爛爛如
波旁出 李德裕詩鸞飛曳錦袍
漢文帝遺匈奴單于錦袍
唐諸衛繡文袍

志玄宗時有詔殿中侍御史糾察諸衛大將軍中
將以下給袍者皆易其繡文千牛衛以瑞牛左右
以瑞馬驍衛以虎武衛以鷹威衛以豹領軍衛以
澤金吾衛以辟邪 會要開元十一年六月敕 六典
武庫令袍之制有五青緋黃白阜注說文曰袍襦也
絮曰襦緼曰袍令繡畫武豹鷹鷗之類以助兵威
百官志 少府監歲武庫袍襦冬至元日以給衛士
李程傳 德宗季秋出畋有寒色顧左右曰九月猶衫
二月而袍為不順時朕欲改月程曰玄宗著月令十
月始裘不可改

唐朱明服

肅宗紀性仁孝好學開元十三年三月甲午封忠王
二十六年六月庚子立為皇太子有司行冊禮冊明
冊其儀有中嚴外辦其服絳紗太子曰此天子禮也
乃下公卿議太師蕭嵩左丞相耀卿請改外辦為外
備絳紗衣為朱明服從之通典云上手勅改為朱明服

唐賜時服

韋湊傳遷太原尹邊備脩舉玄宗詔賜時服勞勉之
會要天授二年正月二十三日內出繡袍賜新除
都督刺史其袍繡山形繞山勒回文銘曰德政惟明

職令思平清慎忠勤榮進躬親延載元年五月二十

二日內出繡袍賜文武三品以上銘襟背各為八字

回文志以法為貞元七年三月舊紀初賜節度觀察使

新製時服上以文采不常俾有足稱節度使以鵬舊

作舊紀銜綬帶取其武毅以靖封內觀察使以鴈銜儀委

威儀取其行列有序牧人有威儀也儀委瑞草也

是草則大和六年詔袍襖之制三品以上服綾以鵠

銜瑞草鴈銜綬帶及雙孔雀狄仁傑傳轉幽州都

督賜紫袍龜帶后製金字十二於袍以旌其忠

柳公權傳從文宗幸未央宮帝駐輦曰朕有一喜邊

成賜衣久不時今中春衣已給當賀我以詩
通典後周宇文護始袍加下襪

唐八貂

百官志侍中二人左散騎常侍二人中書令二人右散騎常侍二人皆金蟬珥貂左散騎與侍中為左貂右散騎與中書令為右貂謂之八貂宋志侍中左右貂宋志徐廣車服注曰北土寒涼本以貂皮暎額附施於冠梁何敬容傳田豐貂以步文昌簪高蟬而趣武帳蟬清高江恠有華貂賦曰拜文輓而影度陪武帳而香浮

唐豸冠 法冠

會要乾元二年四月六日敕御史彈事仍服豸冠舊制大事則豸冠衣朱衣纁裳白紗中單以彈之小事則常服而已建中元年三月監察御史張著冠豸冠彈京兆尹兼御史大夫嚴郢於紫宸殿上即位初侍御史朱放請復舊制置朱衣豸冠於內廊有犯者御史服以彈又令御史得專彈舉不復白於中丞大夫至是著首行之賜魚袋自是日垂衣冠於宣政之左廊志殿中侍御史元日冬至朝會戴黑豸升殿侍御史奏大事法冠云云王義方傳顯慶元年擢侍

御史具法冠對仗叱義府下跪讀所言會腰温造
傳授侍御史知禫奏請復朱衣豸冠示外庶不聽

唐青衿介幘

唐書咸通中禮部侍郎劉允章

進士第

並謁先師衣青衿介幘以還古制

養老

于太學學生俱青衿服

唐澣衣

柳公權傳文宗時嘗與六學士對便殿帝稱漢文帝
恭儉因舉袂曰此三澣矣學士皆賀獨公權無言帝
問之對曰人主當進賢退不自納諫諍明賞罰服澣

冕服

濯之衣此小節耳非有益治道者

杜牧傳孝武澣

衣一肉不敗不樂憲宗

建隆衮龍服制度 乾德新造冠冕

唐至顯慶初諳祭惟用衮冕自大裘冕而下至翼善
冠皆廢建隆元年二月九日禮院言崇元殿行四廟
冊禮衮龍服五月朔受朝通天冠絳紗袍請中尚少
府脩製十九日禮院具制度令式衮冕前後十二旒
二纒請冠平玉簪導組帶衮服元衣纁裳十二章白
紗中單黼領青標襪裾黼膝革帶玉鈎釧大帶玉具
劔玉佩元組綬朱鞮赤舄加金飾通天冠加金博山

附蟬翠綉犀簪導二對絳紗袍白紗中單朱領標裾絳蔽膝白假帶方心曲領白鞞黑烏從之二年聶崇義上三禮圖倣虞周漢唐之舊詹事尹拙言衮冕而下合畫充耳尚書竇儀議從之四年冬服之合祭圜丘乾德元年閏十二月乙亥七叶少府監楊格少監王處訥等上新造皇帝冠冕先是郊祀冠冕多飾珠玉太祖以華而目重故命改制太宗亦命去珠玉之飾初元符東封四月乙卯有司言當服大裘制鞞衣南郊服衮冕六年五月三朝志衮冕祭天地宗廟朝饗太清昭應景靈官受冊尊號元日受朝冊太子則服之通天絳紗大祭祀

致齋出乘玉輅入乘金輅正至大會五月朔受朝則服之赭黃淡袍衫大宴服之黃襖袍衫紅袍常朝服之窄袍便坐視事服之皆阜紗折上巾通犀金玉環帶窄袍或御烏紗帽咸平五年理丞李坦言助祭官六冕衣裳畫繡不依古制詔禮院詳定制度改正乾德元年閏十二月乙亥詔乘輿所服冠冕去珠玉之飾

建隆賜貂裘 乾德賜紫貂裘帽

建隆二年慕容延釗為山南東道節度是冬大寒遣中使賜以貂裘百子氈帳 乾德二年十一月命王

全斌等伐蜀冬暮大雪上設氈帷於講武殿衣紫貂裘帽以視事謂左右曰我被服如此體尚覺寒西征將帥衝犯霜霰何以堪處即解裘帽遣中黃門馳驛賜全斌且諭旨諸將以不能徧及也全斌感泣晏子春秋景公時雨雪三日不霽公被狐白之裘坐堂側陞晏子入見公曰天不寒晏子曰古之賢君飽而知人飢温而知人寒逸而知人勞也君不知也公乃令出裘發粟以與飢寒

裾生惠氣袖起陽春 吹綸愧暖挾纊慙温 齊被狐白莫知人寒楚矜豹舄靡克已愆 翠雲之光青

鳳之煥

建隆賜錦袍 景德賜錦袍

建隆二年十一月己卯上始獵於近郊賜宰相樞密使節度觀察使團使統軍侍衛諸軍都校錦袍康定元年九月辛酉賜陝西軍士羊裘

一裘用立羊皮聽軍士自製

翰林學士十月朔賜對衣紅

錦袍淳化二年以細花盤鷗錦袍下丞相一等

景德元年九月河北轉運使劉綜言每歲朝廷遣使賜邊城冬服諸軍將校皆給錦袍唯轉運使副止放阜花丁亥并賜河東陝西三路使副方勝練鵲錦袍

祥符製宣聖冕服

祥符二年正月賜曲阜文宣王廟植圭冕九旒服九章熙寧八年七月國子監言唐開元中尊孔子為文宣王內出衮冕之服以衣之宜用天子之制禮院言宜依官品衣服令文宣王冕用九旒顏子已下各依郡國縣公侯伯正一品至四品冠服制度從之崇寧二年八月改用冕十二旒服九章又圖繪頒天下其執圭立戟並從王者制度紹興十四年正月二十六日內出鎮圭以奉文宣王初有司欲用珉上曰崇奉先聖豈可用假玉詔以真玉圭降出

康定百官朝服

志康定二年十月少府監奏每大禮遣旌節主吏詣朝服法物庫定百官品位給朝服而有官卑品高官高品卑者難以裁定願勅禮院詳其制禮院約舊制奏衣服令五梁冠犀簪導珥筆朱衣朱裳白羅中單玉劔佩錦綬玉環一品二品侍祠大朝會服之中書門下加籠巾貂蟬三梁冠白紗單銀劔佩環諸司三品御史臺四品兩省五品侍祠大朝會服之中丞則冠獬豸兩梁冠銅劔佩環四品五品侍祠大朝會服之六品去劔佩綬御史則冠獬豸衣有中單以上准前法給朝

服從之皇祐三年詔問冠章弁何服所執何玉禮院奏章弁為戎服於經無執玉之文三禮圖繪為執玉誤也皇祐四年三月禮院以中單制不明求以奏宜用繒素而朱領緣領刺以黑白黼文五等祭服悉依此制詔如太常議慶曆三年三月丙申詔太常禮院諸小祠獻官皆常服行事不合禮文自今並服四品以下祭服

景祐衮冕制度圖 至和附

治平參定冕

服 元豐附

志本朝冠服多沿唐舊循用之久有司寔為繁文以

以失法度景祐二年八月丙子七始詔內侍省與

太常禮院詳典故造冠冕會要云裁定蠲減珍華務

從簡約俾繪圖以進由是改制衮冕服冕版裁令廣

八寸長一尺六寸所謂翠旒碧鳳二十四犀瓶二十

四琥珀瓶四神帶二分旒玉鈎悉罷之而冕頂以青

羅表繪龍麟以代錦用紅羅裏繪紫雲白鶴錦上以

金絲為經而舊以金絲感八龍止存其四又以青羅

繪龍麟飾笄及柱以易錦補空地以雲龍細窠以易

王金輪等七寶其所施花素墜天河帶組欵幔帶六

綵綬冕之金釵玉環皆裁損輕於舊而以青羅繪龍

麟錦為納言以代玉加黹纈玉簪上衣用青羅以紅
羅繡八章間以雲去細窠珠璣飾下裳用紅羅繡藻
粉米黼黻蔽膝繡升龍二除帶首黃金葉以銷金代
之慶曆二年三月太常博士余靖言大中祠用上公
九旅九章冕服為初獻餘公卿皆七旅冕制無差降
小祠則公卿行事乖戾舊典宜詳周禮因所祭鬼神
等獻官冕服之制禮官議曰謹按衣服令五旅冕衣
裳無章卓綾綬銅裝劔珮四品已下為獻官則服之
請公卿祭服依舊從品外小祠如今以祭服行事詔
行焉至和三年九月一日學士王洙奏天子法服冕

冕服

旅形制重而華飾繁願集禮官參定詔禮院詳典禮
繪圖以進因敕御藥院更造其後稍增侈如故治平
二年同知太常禮院李育奏郊廟之制本尚純質衮
冕之質皆存法象冕以周官為本十二旅間以采玉
加以紘紕笄瑱之飾衮以虞書為法十二章首以辰
象別以衣裳繪繡之采東漢至唐皆無珠翠龍錦犀
寶七星雲鶴之飾自大裘之廢顛用衮冕古朴稍去
法度尚存若魏明用珊瑚江左用翡翠豈象天則數
之義哉章聖封泰山禮官請服衮冕帝曰前王服羔
裘尚質也今有衮冕可從近制豈有意於繁飾哉有

服從之皇祐三年詔問冠章弁何服所執何玉禮院奏章弁為戎服於經無執玉之文三禮圖繪為執玉誤也皇祐四年三月禮院以中單制不明求以奏宜用繒素而朱領緣領刺以黑白黼文五等祭服悉依此制詔如太常議慶曆三年三月丙申詔太常禮院諸小祠獻官皆常服行事不合禮文自今並服四品以下祭服

景祐衮冕制度圖至和附

治平參定冕

服元豐附

志本朝冠服多沿唐舊循用之久有司寢為繁文以

以失法度景祐二年八月丙子七叶始詔內侍省與

太常禮院詳典故造冠冕會要云裁定蠲減珍華務

從簡約俾繪圖以進由是改制衮冕服冕版裁令廣

八寸長一尺六寸所謂翠旒碧鳳二十四犀瓶二十

四琥珀瓶四神帶二分旒玉鈎悉罷之而冕頂以青

羅表繪龍麟以代錦用紅羅裏繪紫雲白鶴錦上以

金絲為經而舊以金絲感八龍止存其四又以青羅

繪龍麟飾笄及柱以易錦補空地以雲龍細窠以易

王金輪等七寶其所施花素墜天河帶組欵幔帶六

綵綬冕之金釳玉環皆裁損輕於舊而以青羅繪龍

麟錦為納言以代玉加鞋續玉簪上衣用青羅以紅羅繡八章間以雲去細窠珠璣飾下裳用紅羅繡藻粉米黼黻蔽膝繡升龍二除帶首黃金葉以銷金代之慶曆二年三月太常博士余靖言大中祠用上公九旅九章冕服為初獻餘公卿皆七旅冕制無差降小祠則公卿行事乖戾舊典宜詳周禮因所祭鬼神等獻官冕服之制禮官議曰謹按衣服令五旅冕衣裳無章卓綾綬銅裝劔珮四品已下為獻官則服之請公卿祭服依舊從品外小祠如今以祭服行事詔行焉至和三年九月一日學士王洙奏天子法服冕

冕服

旅形制重而華飾繁願集禮官參定詔禮院詳典禮繪圖以進因敕御藥院更造其後稍增侈如故治平二年同知太常禮院李育奏郊廟之制本尚純質衮冕之質皆存法象冕以周官為本十二旅間以采玉加以紘紕笄瑱之飾衮以虞書為法十二章首以辰象別以衣裳繪繡之采東漢至唐皆無珠翠龍錦犀寶七星雲鶴之飾自大裘之廢顛用衮冕古朴稍去法度尚存若魏明用珊瑚江左用翡翠豈象天則數之義哉章聖封泰山禮官請服衮冕帝曰前王服羔裘尚質也今有衮冕可從近制豈有意於繁飾哉有

司率意妄增仁宗詔禮官章得象等議所減過半然
不經之飾輕者尚存不能盡知詔書王洙復議去繁
飾漸還古禮而有司所造復如景祐之前又按開寶
通禮及衣服令冕服有定法無寶錦之飾願復先王
之制祖宗之法其袞冕之服及鞞綬佩舄之類與通
禮衣服令三禮圖制度不同者悉改正八月乙卯詔
禮院少府參定遂奏冕服以羅為之冕廣一尺二寸
長二尺二寸前圓後方黝上朱下金飾版側白玉珠
為旒貫以五采絲繩前後各十二旒旒各十二朱絲
組為纓青衣纁裳八章繪衣四章繡裳其中單革帶

冕服

玉具劔玉佩朱韉之制已中禮令無復改為詔如景
祐三年制悉去繪畫龍麟紫雲白鶴感金絲龍下裳
除繡袞服並繪而不繡元豐元年十一月癸酉詳
定禮文所言後漢用曹褒之說係白玉珠為十二旒
國朝沿漢舊景祐中以叔孫通漢禮器制度為法青
表紅裏非弁師所謂元冕朱裏也請改用朱組為紘
玉笄玉瑱以元紘垂瑱以五采玉貫五色藻為旒記
曰天子佩白玉元組綬韋彤五禮精義漢乘輿黃赤
綬四采皆不合禮又有大小之別今袞冕有六采織
綬請改製從之二年四月詳定正旦儀注所言元日

受朝宜服通天絳紗癸亥從之三年八月長編九又言衮冕八章在衣四章在裳裳少二章與虞書相戾請改正繪日月星辰山龍華蟲六章在衣繡宗彝藻火粉米黼黻六章在裳詔送禮院而已政和三年四月議禮局上皇帝冕服之制七年四月禮制局請明堂服衮冕

明道皇太后車服

明道元年十二月辛丑詔有司製后妃禮衣祭服及重翟等六車丙午太常禮院言禮衣請準衮服減二章衣去宗彝裳去藻垂珠翠二十旒以衮衣為名詔

冕服

冠名儀天時太后將恭謝宗廟二年二月乙巳服禕衣乘玉輅赴太廟改服衮衣儀天冠饗七室 淳熙三年九月二十五日執政言蒙宣示中宮禕衣上因言近風俗奢靡革弊當自宮禁始唐制皇后服三等皇朝存其名

元豐五冕服章

元豐元年十一月詳定禮文所言古者祭服元衣纁裳以象天地之色裳之飾有藻粉米黼黻今祭服上衣以青其繡於裳者藻粉米五采圓花藉之黼用藍黻用碧黃虎雉粉米異章而畫不應古制請下有司

制五冕之服章衮冕之章九衣繪龍山華蟲火虎鷩冕之章七衣繪華蟲火虎鷮冕之章五衣繪藻粉毳冕之章三衣繪藻粉希冕之章二衣繪藻粉元冕衣無章裳刺黻米裳繡黻其爵弁則緇衣纁裳從之中單乘輿服飾以繡黼諸侯以黼服衮鷩冕者用絳服希元冕爵弁者用青帶有采飾合單之異鞞以上為前下為後於是進新圖佩玉為小帶以屬於革帶天子用玉餘皆珉石略依其色辨諸臣之等去銀鈎獸面二年四月又去祀儀解劔脫寫履之節三年八月又請群臣冕服助祭執笏當事則搢笏六冕並用赤舄大觀四年四月議冕服

禮局官宇文粹中議改衣服制度政和二年八月以大觀中所上群臣祭服制度付有司依畫圖製造三年四月又上群臣祭服之制蘇紳陳便宜八事四曰異服章有執技之人與丞郎清望同佩金魚內侍班行與學士同服金帶宜加裁定使采章有別舊制文臣借緋紫服皆不佩魚政和元年十一月丙子始詔許佩魚三禮圖三公八命而下服毳冕諸家禮圖皆不載三公之冕

元豐大裘議

元豐五年詳定官言周禮司服云王祀昊天上帝服大裘而冕享先王則衮冕唐開元禮開寶通禮詣行宮大次服衮冕出次則改服大裘臨燔柴則脫衮服裘請從唐制詔下參議禮官咸謂大裘冕無旒元表朱裏以繒為之以黑羔皮為裘黑繒為領袖詳定官陸佃謂大裘之冕無旒非是古者裘必有衣服裘而以衮襲之此冬祀之服也請冬至禋祀服衮被衮其餘祀天地並服衮去裘四年十月乙亥詳定所記其後禮部言經有大裘而無其制隋唐猶可考隋制以黑羔皮為裘黑繒為領袖及裏緣袂可運肘長可蔽膝中單當在

大裘之下請改制

六年五月己卯上

詔六年十一月丙午郊祀

帝始服通天冠絳紗袍乘輅以出至景靈宮止大次

加大裘而被衮冕元祐元年五月禮部言大裘作短

袍樣仍與衮服同冕未合典禮下禮部太常議上官

均吳安詩常安民劉唐老龔原姚勗請依元豐新禮

丁隲請循祖宗故事王忞請倣唐制朱光庭周秩請

以元衣襲裘獨禮部郎何洵直在元豐預詳定以陸

佃所議有可疑者八請從唐制兼改制大裘以黑繒

為之佃復破其說請從先帝所定其後詔去黑羔皮

而以黑繒製造焉

書目

大裘議一卷何洵直陸佃

等撰元豐中洵直等已定大裘制度元祐元年再上
議佃更加看詳太常少卿朱光庭丞周秩博士丁騰
等十一人皆入議狀紹興十三年九月八日禮部侍
郎王賞等言郊祀服大裘被袞
請依何洵直議以黑繒如舊制志大觀中命宇文粹中編祭服制
度大要述元豐議至政和有司請如圖製造而冕服
益盛

宋齊郊天服袞冕梁天監七年許懋請造大裘從之

紹興冕服議

紹興元年宗祀僅有朝服十三副祭服六十二副四年
四月增造四年五月國子丞王普言冕服始於黃
冕服

帝堯舜而大備於周故孔子云服周之冕王之三公
八命服鷩冕八旒衣裳七章其章各八孤卿六命毳
冕六旒衣裳五章其章各六大夫四命希冕四旒衣
裳三章其章各四上士三命元冕三旒中士再命元
冕一旒下士一命元冕無旒衣皆無章裳黼視命數
自三公而下其纁玉并衡紘統瑱纁帶佩芾烏中衣
皆有等差近世冕服制度必襲失真多不如古夫後
方而前圓後仰而前倪元表而朱裏此冕之制也今
方圓俛仰幾於無辨且以青為裏而飾以金銀矣其
衣皆元其裳皆纁裳前三幅而後二幅此衣裳之制

也今則衣色以青裳色以緋且為六幅而不殊矣山
以章也今以墮火以圓也今以銳宗彝虎雌之彝也
乃畫虎雌之狀而不為彝粉米米而粉之者也乃今
為二章而以五色圓花為藉佩有衡璜瑤璃衝牙而
已乃加以雙滴而重設二衡綬以貫佩玉而已乃別
為錦綬而貫以雙環以至帶無紐約帶無肩頭寫無
紉纒中衣無連裳訛謬未暇悉舉祖宗以來屢嘗講
究以舊服數多未免因循今舊服無有存者欲請因
茲改作二十五日禮部看詳請送奉常脩改從之又普
撰深衣制度一卷有十六年四月四日癸卯命禮官
序一篇釋音一卷

冕服

考古製祭服

乾道皇太子冠服制度

乾道元年八月十七日癸巳詔製造皇太子冠服依
禮部太常所定制度禮官言至道二年定制服遠游
冠朱明衣執植圭政和五禮新儀遠游冠十八梁博
山附蟬犀簪導紅絲纓朱明服紅裳白紗中單絳紗
蔽膝白鞞黑舄衮冕垂珠九旒紅絲纓青纊充耳犀
簪導青衣朱裳九章五章在衣四章在裳蔽膝隨裳
色為火山二章瑜五雙佩四采大綬施玉環三白鞞
朱舄從之

冠禮

周冠頌 漢冠辭 冠頌

家語冠頌篇又大戴禮孔子曰成王年十有三而嗣

立明年夏六月冠而朝于祖以見諸侯周公命祝雍

作頌曰祝王達而未幼祝雍辭曰使王近於民遠於

年畱於時惠於財親賢而任能一作能其頌曰令月

吉日王始加元服去王幼志一作心服袞職欽若昊天

六合是式率爾祖考永永無極此周公之制也通典

成王將加元服周人來零陵取竹為冠

冠禮

郊特牲諸侯有冠禮夏之末造也

儀禮士冠禮始

加祝曰令月吉日始加元服棄爾幼志順爾成德壽

考維祺介爾景福再加曰吉月令辰乃申爾服敬爾

威儀淑慎爾德麋壽萬年永受胡福三加曰咸加爾

服醴辭曰甘醴惟厚嘉薦令芳拜受祭之以定爾祥

承天之休壽考不忘醮辭字辭曰令月吉日昭告爾

字爰字孔嘉髦士攸宜適子冠於阼以著代也醮於

客位加有成也三加彌尊諭其志也冠而字之敬其

名也無大夫冠禮而有其昏禮古者五十而后爵何

大夫冠禮之有公侯之有冠禮也夏之末造也天子

之元子猶士也天子無生而貴者也左傳季武子
曰君冠以裸享之禮行之以金石之樂節之以先君
之祧處之通典周禮有服冕之數而無天子冠文
大戴禮公冠四加天子亦四加家語冠頌云王太子
之冠擬諸侯之冠周制士冠禮頗備王者采行焉漢
改皇帝冠為加元服惠帝加元服用正月甲子若丙
子吉紀惠四年三月昭帝元鳳四年正月丁亥帝加
元服冠者首所著故曰元服冠辭曰陛下擗著先帝
之光輝以承皇天之嘉祐欽奉仲春之吉辰普遵大
道之郊域秉率萬福之丕靈始加昭明之元服推遠冲
冠禮

孺之幼志蘊積文武之就德肅勤高祖之清廟六合
之內靡不蒙福承天無極觀志大戴禮後漢
乘輿初加緇布進賢次爵弁次武弁次通天冠訖皆
於高廟謁見和帝冠以永元三年正月甲子袁安為
官帛乘馬賜諸侯王至列侯宗室黃金將大夫郎吏從
冠玄蚪乘金根車駕黃香頌曰以三載之孟春建寅月
之上旬皇帝時加玄冕簡甲子之元辰皇輿幸夫金
根六玄蚪之連蜷建螭龍以為旂鳴節路之和鑿既
臻廟以成禮乃迴軫而反宮正朝服以饗宴撞太簇
之庭鐘祚蕃屏與鼎輔暨夷蠻之君王咸進爵千金

壘獻萬壽之玉觴順帝以初月丙子加元服於高廟
獻帝興平元年正月甲子加元服司徒淳于加為賓
東晉祝文曰令月吉辰始加元服皇帝穆穆思弘衮
職欽若昊天六合是式率遵祖考永永無極眉壽惟
棋介爾景福 唐志皇帝加元服有司卜日告天地
宗廟前一日尚舍設席太極殿中楹蒲筵紛純加藻
席緇純次席黼純有司設次展縣設按陳車輦如元
日其日侍中版奏中嚴有司設壘洗於阼階殿中監
陳衮服緇纒玉簪及櫛同箱尚食實醴尊於東序外
帷內坩在尊比實角解和各一饌陳尊西邊豆十二
冠禮

俎三、衮冕玉導置於箱侍中奏外辨皇帝服空頂黑
介幘絳紗袍出自西房即御坐太尉跪脫幘太師降
盥受冕祝曰令月吉日始加元服壽考維祺以介景
福乃跪冠設簪結纓皇帝興適東房衮服出即席南
向坐太尉洗醴酌醴太師受醴祝曰云云殿中監奉
饌在位者再拜 禮記疏玉藻云玄冠朱組纓天子
之冠也鄭注始冠之冠也是天子別有冠禮皇氏云
天子元子惟冠同於士 後魏志司馬彪云漢帝有
四冠一緇布二進賢三武弁四通天冠裴頠作冠儀
不知其四家語冠頌篇四加冠公也

本支百世有秩斯祐申錫無疆承天右序帝眷明德
錫茲祚嗣誅曰惟吉爰舉嘉事邦家之慶金相玉
質君親臨之威儀孔秩膺此嘉禮惟新厥德鼓鍾
喤喤威儀抑抑陳其清酒維尊及饗成以和奏崇
牙植羽一人是臨威儀肅肅克成厥德申以百祿
備禮三加其服奕奕正纚千朝允有成德磬莞
將將德成禮具永言保之申錫多祐體正色齊禮
義以興既多受祉永觀厥成百禮既洽福祿成之
樂章

漢皇太子冠 唐皇太子冠

冠禮

景紀後三年正月皇太子冠賜民為父後者爵一級
元紀竟寧元年正月皇太子冠賜爵

通典漢宣帝

冠太子以正月五鳳元年夫人賜丞相將軍列侯中子

爵五大夫為父冠諸王遣使行事元朝成帝美其王

後者爵一級為父冠諸王遣使行事元朝成帝美其王

山加元服而遣之顧謂諸王曰比東王無雙江帝會中

童傳已下邱官銜建初各有差賜魏氏冠太子再加晉

太子冠臨軒使司徒加冠光祿大夫贊冠正胎丙午

鴻臚為贊梁天監十四年正月乙巳朔臨軒冠太子

千太極殿舊制太子遠將冠金蟬翠綵纓詔加金博

山唐貞觀五年正月有司言太子將行冠禮宜用二
月上令改用十月八年二月三日乙巳太子加元服
永徽六年二月五日太子加元服賜酺三日為父後
者爵一級顯慶四年十月丙午十一太子弘加元服
赦天下開元八年正月十一日甲子太子加元服翼
日乙丑謁太廟十三日丙寅宴百官太極殿制曰正
千萬國祝以三加志皇太子加元服司徒為賓卿
為贊冠有司設御幄於太極殿展縣設枹陳車輿皇
帝服通天冠絳紗袍乘輿出自西房即御坐侍中曰
將加冠于某之首公其將事至御前曰公其贊冠賓
冠禮

再拜受制書皇帝入自東房賓贊出門以制書置于
按引以幡節威儀饒吹及九品以上皆詣東宮朝堂
冠日宮臣皆朝服集重明門外朝堂宗正卿乘車承
傳在位者再拜左庶子稱禮畢

匡衡上疏適子冠于祚禮之用醴衆子不得與所以
貴正體明嫌疑也非虛加其禮文而已

筮辰協吉撰禮備容

宋孝武建平

宏表

史稱周

頌之年傳記魯襄之禮粵若敬始謂之成人

開成七

年制

稟瑞辰象儲靈日域玉英珠薏之元貺日角

山庭之峻格漢幄增耀堯門有赫

佩觿之際聿彰

明類之姿對日之初早振溫文之德進退可度周旋中規豁若淵冲之量端然玉粹之姿五勝之言蓋由異稟大成之度信出生知身期俯協冠禮斯陳擘華纓而粲粲峩爵弁以斌斌啓嘉會於中闈動勸聲於紫宸正容體兮道昭備服順辭令兮誼協成人義易考祥契黃離之元吉漢詩載美歌皓月之重輪觀吏牘以知遠朝寢門而竭忱晏殊皇太子冠禮賦

祥符皇子冠禮

祥符八年十二月戊寅承天節群臣上壽是日皇子慶國公加冠禮輔臣面賀宗室賀於內東門司天言曰

冠禮

輝珥直抱氣戊子集賢校理晏殊上皇太子冠禮賦詔獎之辛卯進封壽春郡王制曰辯惠之性言必有章趨進之容動皆合禮維城之制載協周邦半楚之封尚遵漢牘會要近制不用冠者止加烏紗折上巾大觀二年八月

十七日詔詳定皇太子冠禮十一月十七日親製

冠禮沿革十一卷政和四年二月二日禮制局定皇

長子冠禮十七日癸酉行禮於文德殿掌冠以禮部

尚書贊冠以鳴臚卿列黃麾細仗於殿庭皇太子初

行欽安之樂作祝曰咨爾元子肇冠於阼筮日擇賓

德成禮具於萬斯年承天之祐乃冠折上巾順安之

樂作祝曰爰即令辰申加元服崇學以齒二善皆得
副予一人受天百福乃冠遠遊冠懿安之樂作祝曰
三加彌尊國本以正無疆惟休有室大競懋昭厥德
保茲永命乃冠衮冕成安之樂作敕戒曰事親以者
接下以勤遠佞近義祿賢使能古訓是式犬猷是經
政和御製冠禮有後漢何休冠儀約制晉王堪冠
禮儀 寶祐二年九月癸亥詔皇子以日南至行冠
禮十月癸酉進封忠王丁亥詔臣清叟為賓師彌主
禮十一月壬寅行冠禮

家語 邾隱公將冠問禮於孔子子曰其禮 如世子之

冠紀


冠雖天子之元子猶士也其禮無變天下無生而貴
者也行冠事必於祖廟 郊特牲疏大戴禮有公冠
篇加元冕為四加 荀子天子諸侯子十九而冠冠
而聽治

禮記冠義冠者禮之始也古者聖王重冠冠禮筮曰
筮賓所以敬冠事敬冠事所以重禮重禮所以為國
本故冠於阼以著代也醮於客位三加彌尊加有成
也已冠而字之成人之道也見於母母拜之見於兄
弟兄弟拜之成人而與為禮也玄冠玄端莫摯於君

遂以執見於鄉大夫鄉先生以成人見也成人之者
將責成人禮焉故曰冠者禮之始嘉事之重者也古
者行之於廟所以尊重事

玉海卷第八十二

禮記卷第八十二



2